



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-03/02-34-26971-9-1/22  
Sarajevo, 25. 07. 2022. godine

## SKUPŠTINA KANTONA SARAJEVO

**n/r Elvedin Okerić, predsjedavajući Skupštine Kantona Sarajevo**

**Predmet:** Odgovor na zastupničko pitanje, *dostavlja se*

Cijenjeni/Cijenjena,

**Zastupnica** u Skupštini Kantona Sarajevo Jasmina Bišćević Tokić je na 53. Radnoj sjednici Skupštine Kantona Sarajevo održanoj dana, 06.07.2022. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211 i 214. Poslovnika Skupštine Kantona Sarajevo postavila **zastupničko pitanje:**

*„Upućujem zastupničko pitanje Vladi Kantona Sarajevo i Ministarstvu za odgoj i obrazovanje Kantona Sarajevo zašto su za V, VII i VIII razred otkupljeni udžbenici Naš jezik i Bosanski jezik iako se radi o potpuno istom udžbeniku samo drugi naziv. Zašto su za V razred otkupili 4000 udžbenika njemačkog jezika kao prvog stranog jezika iako u Kantonu Sarajevo ni jedna škola nema njemački jezik kao prvi strani jezik u V razredu?“*

### **Odgovor:**

u Budžetu Kantona Sarajevo za 2022. godinu po prvi put su predviđena sredstva za nabavku udžbenika za učenike u iznosu od 4.000.000,00 KM ( slovima:četirimilionakonvertibilnihmaraka i 00/100). Ministarstvo za odgoj i obrazovanje Kantona Sarajevo provelo je postupak javne nabavke, te su nabavljeni udžbenici za učenike od 5. do 9. razreda koji pohađaju javne ustanove osnovne škole na području Kantona Sarajevo. Udžbenici su nabavljeni na osnovu podataka o broju učenika u EMIS bazi podataka.

Imajući u vidu da je udžbenička politika formiranje i objavljivanje spiska odobrenih radnih udžbenika, priručnika i drugih nastavnih sredstava za osnovne škole, gimnazije, srednje tehničke škole koji se upotrebljavaju na nivou Federacije Bosne i Hercegovine isključivo u nadležnosti Federalnog ministarstva za obrazovanje i nauku te da je spisak odobrenih udžbenika za osnovnu školu predviđen Okvirnim nastavnim planom i programom za devetogodišnju osnovnu školu u Federaciji Bosne i Hercegovine i spisak se može mijenjati samo izmjenama i dopunama Okvirnog nastavnog plana i programa za devetogodišnju osnovnu školu.


Uzimajući u obzir najbolji interes naših učenika, roditelja/staratelja, smatramo da su programske aktivnosti Ministarstva za odgoj i obrazovanje Kantona Sarajevo i Vlade Kantona na obostrano zadovoljstvo svih učesnika u odgojno obrazovnom procesu.

Napominjemo, da svi nabavljeni udžbenici se nalaze na spisku odobrenih udžbenika Federalnog ministarstva obrazovanja i nauke za školsku 2022/23. godinu uz napomenu da navedene udžbenike učenici će moći koristiti u školskoj 2022/23 godini prilikom realizacije odgojno - obrazovnog procesa iz nastavnog predmeta Njemački jezik, Bosanski jezik i književnost, Hrvatski jezik i književnost, Srpski jezik i književnost.

S poštovanjem.

Dostaviti:

1. Naslovu
2. A/a



**MINISTRICA**

**Naida Hota-Muminović**